



Republika e Kosovës / Republic of Kosovo  
Komuna - Municipality  
Hani i Elezit



01/Nr. 626 /2023  
Data: 23.01.2023

### PROCESVERBAL I KUVENDIT TË KOMUNËS

Procesverbali nga mbledhja e dymbëdhjetë -XII- e Kuvendit të Komunës, mbajtur me datë 22.12.2022 me fillim pune në ora 11:00 në sallën e Kuvendit të Komunës. Të pranishëm ishin: **Mehmet Ballazhi** (Kryetar i Komunës), **Natyra Kalisi** (Drejtoresh e Administratës), **Abduraman Bushi** (Drejtor për Bujqësi Pylltari dhe Zhvillim Rural), **Majlinda Kaloshi** (Drejtoresh për Zhvillim Ekonomik), **Kimete Kuka -Hasallari** (Drejtoreshë për Shëndetësi dhe Mirëqenie Sociale), **Nexhmedin Daci** (Drejtor për Urbanizëm Kadastër dhe Mbrojtje të Mjedisit), **Lindita Ballazhi** (Drejtoresh për Buxhet dhe Financa), **Hisni Luri** (Drejtor për Arsim, Kulturë, Rini dhe Sport), **Arsim Dernjani** (Drejtor për Shërbime Publike dhe Emergjencë), **Sara Berisha** (Asistente e Kryesuesit të Kuvendit të Komunës), **Vjosa Rogaçi** (Zyrtare për Barazi Gjinore), **Bashkim Sopa** (Zyrtarë për Informim), Përfaqësuesi i OSBS-së. Kryesuesi pasi konstatoi prezencën e anëtarëve të kuvendit, konstatoi se nuk mungon asnjë anëtarë i Kuvendit të Komunës.

### RENDI I PUNËS

1. Miratimi i procesverbalit nga mbledhja e kaluar.
2. Plani i punës së ekzekutivit të komunës së Hani të Elezit për vitin 2023.
3. Plani i punës së komitetit për komunitete për vitin 2023.
4. Propozim vendim për dhënien në shfrytëzim të pronave të Kuvendit të Komunës për vitin 2023.
5. Raporti i auditorit të brendshëm për vitin 2021 dhe gjashtë mujorin e 2022.
6. Plani i veprimt të rekomandimeve të auditorit të brendshëm për vitin 2021 dhe gjashtë mujorin 2022.
7. Raporti për planin e integritetit për vitin 2022.
8. Informatë për gjashtëmbëdhjetë ditët e aktivizimit kundër dhunës në baza gjinore.
9. Të ndryshme.

**Kryesuesi** thekson:- për pika e rendit të punës hapi diskutimin,

**Ibadete Kalisi** thekson:- në emër të grupi parlamentarë të Partisë Demokratike propozoj që në rend pune të shtohet edhe një pikë e rendit të punës për shkak kemi pranuar një kërkesë nga Qendra e “Gjenocidit në Kosovë-Plagë e hapur” dhe në disa asamble komunale është miratuar si deklaratë. Miratimi i deklaratës që lulëkuqja me katër petale të bëhet simbol unik i përkujtimor i gjenocidit në Kosovë.

**Kryesuesi** thekson:- a keni edhe ndonjë diskutim për pikën shtesë që u propozua, nëse nuk ka e hedh në votim; rezultati i votimit ishte njëzëri. Në tërësi e hedh në votim rendin e punës, rezultati i votimit ishte njëzëri.

**Procedojmë me këtë rend të punës:-**

1. Miratimi i procesverbalit nga mbledhja e kaluar.
2. Plani i punës së ekzekutivit të komunës së Hanit të Elezit për vitin 2023.
3. Plani i punës së komitetit për komunitete për vitin 2023.
4. Propozim vendim për dhënien në shfrytëzim të pronave të Kuvendit të Komunës për vitin 2023.
5. Raporti i auditorit të brendshëm për vitin 2021 dhe gjashtë mujorin e 2022.
6. Plani i veprimit të rekomandimeve të auditorit të brendshëm për vitin 2021 dhe gjashtë mujorin 2022.
7. Raporti për planin e integritetit për vitin 2022.
8. Informatë për gjashtëmbëdhjetë ditët e aktivizimit kundër dhunës në baza gjinore.
9. Miratimi i deklarates që lulëkuqja me katër petale të bëhet simbol unik i përkujtimor i gjenocidit në Kosovë.
10. Të ndryshme.

#### **1. Miratimi i procesverbalit nga mbledhja e kaluar.**

**Kryesuesi** thekson:- a keni ndonjë vërejtje rreth procesverbalit, nëse nuk ka e hedh në votim; rezultati i votimit ishte njëzëri.

**U MIRATUAR PROCESVERBALI NGA MBLEDHJA E KALUAR**

#### **2. Plani i punës së ekzekutivit të komunës së Hanit të Elezit për vitin 2023.**

**Kryesuesi** thekson:- për këtë pikë të rendit të punës hapi diskutimin.

**Mehmet Ballazhi** thekson:- dje kemi pasur një dëgjim publik për planin e punës së ekzekutivit të komunës së Hanit të Elezit për vitin 2023 dhe e kemi prezantuar para qytetarëve . I kam përcaktuar objektivat në plan për vitin 2023 në raport me buxhetin të cilin e ka miratuar kuvendi i komunës. Materialin e keni pranuar me kohë dhe nëse keni ndonjë propozim mund të parashtroni.

**Kryesuesi** thekson:- a keni edhe ndonjë diskutim për këtë pikë të rendit të punës, nëse nuk ka e hedh në votim; rezultati i votimit ishte njëzëri.

**U MIRATUA PLANI I PUNËS SË EKZEKUTIVIT TË KOMUNËS SË HANIT TË ELEZIT PËR VITIN 2023**

#### **3. Plani i punës së komitetit për komunitete për vitin 2023**

**Kryesuesi** thekson:- për këtë pikë të rendit të punës hapi diskutimin, nëse nuk ka e hedh në votim; rezultati i votimit ishte njëzëri.

**U MIRATUA PLANI I PUNËS SË KOMITETIT PËR KOMUNITETE PËR VITIN 2023**

#### 4. Propozim vendim për dhënien në shfrytëzim të pronave të Kuvendit të Komunës për vitin 2023.

**Kryesuesi** thekson:- për këtë pikë të rendit të punës hapi diskutimin.

**Nexhmedin Daci** thekson:- drejtoria e urbanizmit ka përgatitur një listë të pronave të cilat janë në emër të komunës dhe parashihen që të ipen në shfrytëzim në vitin 2023 sipas legjislacionit në fuqi. Sipas ligjit të gjitha komunat në Kosovë janë të obliguara që ta publikojnë listën e pronave dhe listën e veçantë të pronave të cilat parashihen të ipen në shfrytëzim . Kjo listë duhet të publikohet në veb faqe të komunës më së voni deri me tridhjetë e një dhjetorë.

**Ajnure Thaçi** thekson:- pronat të cilat planifikohen të ipen në shfrytëzim a i ka kërkuar ndonjë palë për me i shfrytëzuar.

**Sherif Berisha** thekson:- sa është sipërfaqja e këtyre pronave që planifikohen të ipen.

**Hyriete Isufi** thekson:- a janë në shfrytëzim prej dikujt këto prona.

**Refet Kalisi** thekson:- parcelat të cilat planifikohen të ipen a janë kullosa apo edhe pyje.

**Nexhmedin Daci** thekson:- jo nuk i ka kërkuar por ju e dini që komuna jonë nuk ka prona ndërtimore por këta prona i kemi dhe i kemi planifikuar për këtë çështje. Të dhënat për këto prona i kemi në bazë të dhënave të kadastrit. Pronat nuk janë të rrethuar nga personat privat. Parcelat me numër 73317070-00927-0 zona kadastrale Pusteni vendi quajtur Nikona sipërfaqja në metra katrorë 11710 me kulturë arë e klasit 8. Parcelat me numër 73317055-00963 Zona kadastrale Krivenik Kodra Rojt, sipërfaqja në metra katrorë 4038 me kulturë kullosë e klasit 6. Parcelat me numër 73317070-00946-0 Zona kadastrale Pusteni në vendin e quajtur Tanask sipërfaqja 8906 kullosë e klasit 4. Parcelat me numër 73317073-00792-0 Zona kadastrale Rezhancë Vendi i quajtur Ortica sipërfaqja 19461 me kulturë Kullosë e klasit 6. Parcelat me numër 73317073-00789-1 Zona kadastrale Rezhancë Vendi i quajtur Gjuri sipërfaqja 9510 me kulturë Kullosë e klasit 5.

**Zaim Bela** thekson:- e di që është edhe një pronë komunale në vendin e quajtur Kashan dhe nuk kam informacion se a është shpronësuar apo jo por në listë nuk shënon.

**Nexhmedin Daci** thekson:- nuk është në emër të kuvendit të komunës dhe një pjesë është shpronësuar.

**Kryesuesi** thekson:- a keni edhe ndonjë diskutim për këtë pikë të rendit të punës, nëse nuk ka e hedh në votim; rezultati i votimit ishte njëzëri.

**U MIRATUA PROPOZIM VENDIMI PËR DHËNIEN NË SHFRYTËZIM TË PRONAVE TË KUVENDIT TË KOMUNËS PËR VITIN 2023**

#### 5. Raporti i auditorit të brendshëm për vitin 2021 dhe gjashtë mujorin e 2022.

**Kryesuesi** thekson:- për këtë pikë të rendit të punës hapi diskutimin.

**Lindita Ballazhi** thekson:- në mungesë të auditorit të brendshëm në komunë kemi kërkuar shërbime nga Ministria e Financave për të bërë auditimin për vitin 2021 si dhe gjashtë mujorin e vitit 2022 . Në bazë të raportit Ministria e Financave ka nxjerr nëntë të gjetura të cilat i kemi paraqitur në material.

**Ajnure Thaçi** thekson:- sa rekomandime i takojnë periudhës së vitit 2021 dhe sa i takojnë gjashtë mujorit të vitit 2022

**Lindita Ballazhi** thekson:- te raporti final nuk janë të ndara vitet por është raport final për të gjitha të gjeturat.

**Hyriete Isufi** thekson:- çështja e shpenzimeve të subvencioneve duhet të mbikëqyret se a po kanë efekt ata subvencione dhe dedikimi i tyre se ku dedikohen.

**Lindita Ballazhi** thekson:- është e gjetur prej zyrës kombëtare të auditimit në lidhje me subvencion që nga momenti i shpalljes së njoftimit për subvencioneve deri në momentin jepen subvencionet dhe faza tjetër monitorimi i subvencioneve. Auditorët e jashtëm të zyrës kombëtare të auditimit e kanë kryer deri në gjashtë mujorin parë të vitit 2022 por për vitin 2021 dhe pastaj kjo ka qenë e gjetur prej zyrës kombëtare të auditimit për vitin 2021, megjithatë auditorët e brendshëm nga Ministria e Financave kanë rekomanduar si rekomandim të njëjtat të gjeturat në lidhje me subvencionet por ne prej kësaj të gjeture 90 % kemi filluar me zbatuar dhe kemi bërë planin e ndarjes së subvencioneve, kemi caktuar zyrtarin përgjegjës për monitorimin e subvencioneve dhe jemi në fazat përfundimtare të hartimit të raportit të ndarjes së subvencioneve.

**Resul Suma** thekson:- a ka ndonjë rekomandim që nuk mundet me u zbatuar.

**Lindita Ballazhi** thekson:- shumica e rekomandimeve janë të zbatueshme dhe ekzistojnë disa rekomandime si tejkalimet e kodeve buxhetore që nuk mundet në përpikmëri të zbatohet për shkak se ndryshe është planifikimi dhe pastaj janë disa punë të tjera që duhet të dalim jashtë planifikimit por ata zakonisht bëhen me vendime të Kryetarit të Komunës .

**Kryesuesi** thekson:- a keni edhe ndonjë diskutim për këtë pikë të rendit të punës, nëse nuk ka kalojmë në pikën e radhës të paraparë sipas agjendës.

#### **6. Plani i veprimit të rekomandimeve të auditorit të brendshëm për vitin 2021 dhe gjashtë mujorin 2022.**

**Kryesuesi** thekson:- për këtë pikë të rendit të punës hapi diskutimin.

**Lindita Ballazhi** thekson:- sipas legjislacionit në fuqi komuna ka përgatitur planin e veprimit të zbatimit të rekomandimeve të cilat janë dhënë nga auditorët e brendshëm nga Ministria e Financave. Kemi bërë komisionin për planin e veprimit dhe është hartuar plani se si do t'i reduktojmë këto të gjetura.

**Kryesuesi** thekson:- a keni edhe ndonjë diskutim për këtë pikë të rendit të punës, nëse nuk ka kalojmë në pikën e radhës të paraparë sipas agjendës.

#### **7. Raporti për planin e integritetit për vitin 2022.**

**Kryesuesi** thekson:- për këtë pikë të rendit të punës hapi diskutimin.

**Natyra Kalisi** thekson:- raporti është hartuar në pajtim me legjislacionin në fuqi si dhe strategjinë kundër korrupsionit që e obligonë komunën me pasur një plan të integritetit por në të njëjtën kohë me raportuara mbi masat e rrezikshmërisë të institucionit tonë . Duke ditur që është një periudhë kohore e shkurtër nga miratim në kuvend të planit të integritetit që është miratuar në muajin e tetë kemi arritur me i përmbushur disa objektiva të këtij plani.

**Kryesuesi** thekson:- a keni edhe ndonjë diskutim për këtë pikë të rendit të punës, nëse nuk ka kalojmë në pikën e radhës të paraparë sipas agjendës.

## **8. Informatë për gjashtëmbëdhjetë ditët e aktivizimit kundër dhunës në baza gjinore.**

**Kryesuesi** thekson:- për këtë pikë të rendit të punës hapi diskutimin.

**Vjosa Rogaçi** thekson:- ne kemi kontaktuar me Qendrën për Punës Sociale dhe me Stacioni Policorë dhe ata kanë potencuar se për gjashtëmbëdhjetë ditët e aktivizimit kundër dhunës në baza gjinore nuk ka pasur asnjë rast.

**Kryesuesi** thekson:- a keni edhe ndonjë diskutim për këtë pikë të rendit të punës, nëse nuk ka kalojmë në pikën e radhës të paraparë sipas agjendës.

## **9. Miratimi i deklaratës që lulëkuqja me katër petale të bëhet simbol unik përkujtimor i gjenocidit në Kosovë.**

**Kryesuesi** thekson:- për këtë pikë të rendit të punës hapi diskutimin.

**Ibadete Kalisi** thekson:- materiali është shpërndarë nga sekretaria dhe i përmban të gjitha pika se çka ka të bëjë lulëkuqja me katër petalet. Është mirë të përkrahet dhe të miratohet si deklaratë edhe në kuvendin e komunës së Hanit të Elezit.

**Mehmet Ballazhi** thekson:- është historik i lulëkuqes me katër petalet si simbol i botës i gjenocidit të dhunës dhe disa kuvend të komunave e kanë miratuar për me qenë një simbol unik përkujtimorë i gjenocidit në Kosovë në mënyrë që mos me dalur me një simbol ndryshe secila komunë por me qenë unike siç e kanë shumë vende të botës .

**Kryesuesi** thekson:- a keni edhe ndonjë diskutim për këtë pikë të rendit të punës, nëse nuk ka e hedh në votim; rezultati i votimit ishte njëzëri.

**U MIRATUA DEKLARAT QË LULKUQJA ME KATËR PETALE TË BËHET SIMBOL UNIK PËRKUJTIMORË I GJENOCIDIT NË KOSOVË**

## **10. Të ndryshme.**

**Kryesuesi** thekson:- për këtë pikë të rendit të punës hapi diskutimin.

**Zaim Bela** thekson:- sa nxënës në secilën shkollë veç e veç ka mangut prej vitit 2021 në vitin 2022.

**Hanumshahe Dibrani** thekson:- në mbledhjen e kaluar drejtorit për shërbime publike potencoj se vetëm do të bëhet testimi të fabrika e ujit por a është bërë diçka në këtë drejtim.

**Resul Suma** thekson:- a ka marr komuna ndonjë mas për mi parandaluar shitjen e mjeteve piroteknike

**Erbilin Maliqi** thekson:- në mbledhjen e kaluar kam parashtruar pyetje për drejtorinë e arsimit rreth problemit të transportit për nxënësit të cilët e ndjekin mësimin në shkollën e mesme në qytetin e Ferizajt . A ka pasur ndonjë lëvizje në zgjidhjen e këtij problemi. Kërkoj që vazhdohet me rregullimin e përrorskës në vendin e quajtur Kollomoqe deri tek penda sepse nëse rregullohet kjo bëhet edhe hapja e rrugës për pronat të cilët çdo herë e kanë pasur këtë problem.

**Hisni Luri** thekson:- sa i përket numrit të nxënësve do ta përcjelli. Për transportin e nxënësve nuk kemi bërë asnjë lëvizje për shkak se duhet të kemi mjete financiare për këtë çështje. Kryetari i komunës ka diskutuar me ata të linjave për me bërë një orar por është e pa mundur këtë ndryshim aty për aty por parasysh e kemi dhe do të mundohemi me bërë një zgjidhje në të ardhmen.

**Mehmet Ballazhi** thekson:- në planin e punës që u miratua si pikë e parë nën objektivë për vitin 2023 stimulim i nxënësve në shkollat profesionale me mbulim të shpenzimeve të udhëtimit dhe studentët e suksesshëm me bursa studentore. Çështjen e mjeteve piroteknike e kemi diskutuar edhe me policinë por janë të ndaluara me Ligj.

**Arsim Dernjani** thekson:- punë kryesi të gjitha kërkesat që i ka pasur prej komunës ja kemi kryer, po ashtu i kemi kryer edhe punimet me KEDS-in , ndërsa punë kryesi ka pasur punë një javë ditë por ne nuk kemi kompetenca për me i dhënë ndonjë ndëshkim punë kryesit përveç që i kemi bërë telefon por nuk e ka hapur telefonin. Të gjitha punët të cilat u kanë takuar komunës i kemi kryer .

**Mehmet Ballazhi** thekson:-skepticizmin për çështjen e fabrikës që ndoshta nuk do t'i plotëson kërkesat për ujë e kam shprehur në fillim po angazhimi jonë është që na ta funksionlizojm fabrikën që ato kapacitete të ujit të cilat janë me qenë uji i pishëm . E kam sqaruar edhe herëve të tjera që tridhjetë mijë euro i kemi ndarë për vendosjen e ujë matësve edhe pse nuk e kemi pasur të obliguar me ligj por i kemi ndarë për me shtijë në menaxhim ujin dhe nëse kompania “Bifurkacion”, kompania “Teuta” si punë kryes, qeveria Zvicerane e cila e ka financuar këtë projekt do të thotë janë çështje të tyre dhe ne si komunë jemi në rregull por kemi dalur për përtej mundësive për me lëshuar në funksion fabrikën. Ju e dini që afër tre muaj ka zgjatur afati i neglizhencës së KEDS-it për me i vendosur shtyllat.

**Sherif Berisha** thekson:- përgjigjet për mëditjet për muajin qershor dhe muajin shtatorë nuk i kam pranuar me kohë.

**Lindita Ballazhi** thekson:- listën për shtesa dhe mëditje e kemi përcjell në muajin tetor.

**Sherif Berisha** thekson:- unë nuk e kam pranuar këtë material.

**Xhevahir Dernjani** thekson:- janë shumë punë duke u kryer në fund vit. Ka filluar faza e parë e rrugës dy Korriku në fshatin Paldenicë dhe në momentin që do të asfaltohet kjo rrugë është në dobi të qytetarëve të fshatit Paldenicë. Janë duke u zhvilluar punimet për Parkun e Qytetit por shumë i kënaqur se që njëzet e dy vite pas luftës po e shohë një pllakë përkujtimore për nxënësin Isa Berisha. Është mirë që është bërë ndriçimi i qytetit dhe ju uroj festën e vitit të ri.

**Resul Suma** thekson:-llaptopët që na u kanë siguruar si asamblistë çështja e kontratës së vindsit i ka skaduar është mirë që me kontaktuar me kontraktuesin që me najë dërguar edhe kontratën e vindsit

**Hanumshahe Dibrani** thekson:- a ju është bërë ndonjë kontroll nxënësve nëpër shkolla.

**Kryesuesi** thekson:- a ka logoped në shkolla dhe ku ka mbetur çështja e profesorit të fizikës.

**Kimete Kuka -Hasallari** thekson:- e kemi diskutuar me drejtoreshën e QKMF-së për një kontroll sistematike nëpër të gjitha shkollat por kemi pritur që të pranohet edhe stomatologu në mënyrë që të bëhen dy kontrollat së bashku .

**Hisni Luri** thekson:- e kemi një asistente për fëmijët me nevoja të veçanta që aktualisht e ka profesionin e logopedisë, mirëpo nuk punon si logopede por për vitin 2023 kemi planifikuar që me rekrutuar edhe një logopede . Sa i përket profesorit të fizikës dhe është përmbyllur afati i aplikimit që kemi shpresuar që deri tash me rekrutuar një profesional, në mungesë të kësaj dhe të procedurave të gjata i kemi angazhuar dy mësimdhënës profesional të lëndës së fizikës, i kemi ndarë orët që të përmbyllet gjysmëvjetori që mos me mbetur pa nota edhe pse e di që notat ndoshta nuk do të jenë shumë reale dhe këtë pjesë duhet me kuptuar po kjo pjesa që kanë mbetur nxënësit pa mësimdhënës ka qenë vështirësia më e madhe që e kemi pasur si drejtori. Kemi me pasur vështirësi për rekrutimin e lëndëve siç është matematika, gjuha Gjermane dhe lënda e Fizikës.

**Kryesuesi** thekson:- a keni edhe ndonjë diskutim për këtë pikë të rendit të punës, nëse nuk ka shpalli të mbyllur mbledhjen.

Ju faleminderit për pjesëmarrje.

Mbledhja përfundoi në ora 12:10

**Procesmbajtësi**

**Ayni Bushi**

